

Habari Michezo Makala Afya Burudani Video Vipindi vya Redio

Misa ya Papa Sudan Kusini: Papa Francis awataka raia kukataa 'sumu ya chuki'



AFP

| Raia wa Sudan Kusini walifurahia sana ziara ya papa Francis nchini mwao

5 Februari 2023

Papa Francis amemaliza hija yake ya amani nchini Sudan Kusini kwa kuadhimisha misa ya wazi iliyohudhuriwa na makumi kwa maelfu mjini Juba.

Aliwataka waumini kukataa kile alichokiita "sumu ya chuki", na kuwaambia wasipoteze nafasi yoyote ya kujenga amani.

Na aliwasihii viongozi wa nchi hiyo kuzingatia kumaliza migogoro.

Kabla ya kuondoka, aliuambia umati hivi: "Ndugu na dada wapendwa, ninarudi Roma pamoja nanyi karibu zaidi na moyo wangu.

Wakatoliki waliokuwa na furaha, baadhi yao waliopiga kambi usiku kucha kwa ajili ya Misa, waliambia Reuters kuwa ulikuwa wakati wa furaha.

"Hadi sasa silali, nilifurahi sana," Jovana Buyom alisema.

"Kwa kweli tumefurahishwa sana na ujio wa Papa kwa sababu atatupa ujumbe wa amani, tunaweza kuungana kama watu wa Sudan

Kusini," Juaj Bol Ayuel alisema.



REUTERS

| Baadhi ya Kanisa Katoliki huona Afrika kuwa mustakabali wa imani yao



REUTERS

| Hata hivyo, baadhi ya makasisi wamedai kuwa Afrika inahitaji uwakilishi zaidi katika kilele cha Kanisa

Misa hiyo iliyofanyika katika Kaburi la John Garang mbele ya hadhira ya watu 70,000 kulingana na makadirio, ilijaa waumini wenye furaha wakipeperusha bendera na kusali sana.

Sherehe za kidini zilifanyika siku ya mwisho ya ziara ya Papa nchini Sudan Kusini, ambayo ilikuwa ya kwanza kwake nchini humo.

Tangu ilipopata uhuru mwaka wa 2011, nchi hiyo imekumbwa na vita vya wenyewe kwa wenyewe baada ya rais kutofautiana na makamu wake wa rais mwaka 2013.



AFP

| Ukristo ni mojawapo ya imani kuu nchini, pamoja na dini za jadi

Licha ya makubaliano ya amani mwaka 2018, ghasia zinazochochewa na mizozo ya kikabila zimeendelea - zaidi ya watu 400,000 wanakisiwa kufa kutokana na mzozo huo.

Takriban watu 20 waliuawa katika uvamizi wa mifugo usiku wa kuamkia ziara ya viongozi hao wa kidini.



GETTY IMAGES

| Baadhi ya umati mkubwa wa watu walifika ukumbini saa chache kabla ya Misa

Papa, ambaye alitembelea nchi hiyo pamoja na viongozi wengine wa Kikristo - Askofu Mkuu wa Canterbury, Justin Welby, na Msimamizi wa Mkutano Mkuu wa Kanisa la Scotland, Mchungaji Iain Greenshields - amekuwa kwenye misheni ya amani na kuwasihii makasisi wa Sudan Kusini kupaza sauti zao dhidi ya dhuluma siku ya Jumamosi.



REUTERS

| Wananchi wa Sudan ambao walionekana kuwa na roho nzuri, wamesema wanatumai ziara yake italeta amani na haki



REUTERS

| Watoto wadogo pia walisubiri kwa hamu kuwasili kwa Papa

Pia aliwaambia kwamba hawawezi kubaki upande wowote dhidi ya udhalimu: "Ikiwa tunataka kuwa wachungaji wanaoombea, hatuwezi kubaki upande wowote kabla ya maumivu yanayosababishwa na vitendo vya udhalimu na unyanyasaji. Kukiuka haki za kimsingi za mwanamke au mwanamume yejote ni kosa. dhidi ya Kristo."



REUTERS

| Papa Francis aliwaambia makasisi kutopuuza udhalimu



AFP

| Baadhi ya watu wa Sudan Kusini wameiambia Vatican News kwamba "wamechoka" kwa sababu ya vita.



GETTY IMAGES

| Pia kulikuwa na onyesho la kucheza na kuimba kwenye Misa ya Jumapili

Papa alikuwa na ujumbe sawa na huo wa amani na upatanisho alipozuru Jamhuri ya Kidemokrasia ya Kongo mapema wiki hii.